

太上道德真經四子古道集解序

僕草澤無名之野人也素不以進取介意及冠之後酷嗜恬淡之樂究丹經卜筮之術至於晚年讀古人書披閱諸子探賸眇經之奧章章有旨可謂深矣遠矣因觀諸家解註言多放誕互起異端朱紫叢亂殆越百家失其古道本真良可歎也獨莊列文庚四子之書迺老氏門人親授五千言教各著撰義與相同其餘諸解紛紜肆辯徒以筆舌爲功虛無爲用了無所執又豈可與四子同日而語哉僕昔隨仕嘗遊京都得參高道講師略扣玄關盡爲空性之說不能述道之一二內省不疚深造其道而自得欲以拯世欲之多蔽悼聖道之不行又恐膠疑泥惑之道藏輯要

道德真經

四子古道集解序

一 心集二

川十一

流翻起蜂喧之議故摭其四子引其真經集爲一編以破雷同之說因目之曰四子古道義又述經史疏十卷以相爲之表裏今幸苟完是論非當恃其臆說不惟新當時聞見抑爲千古之龜鑑也請好事君子幸無哂焉偃息之暇因援筆而直書之昔大定十九年己亥歲元日古襄寇才質謹序